



Devisão Relações Públicas, Comunicação e Educação Cívica

Notulen aprovasaun Regime Dívida Pública iha Plenaria, Parlamentu Nasional RDTL nian

Reuniaun Plenária Tersa-feira, 23 de Agosto de 2011

Presidente Parlamentu husu ba Komisaun C atu kontinua halo diskusaun no aprovação ba Relatorio no Parecer ba Lei Divida Pública hodi nune'e aban bele diskuti iha Plenaria Extraordinaria no husu ba Governu atu gasta osan tuir programa nebe maka iha ona, liu-liu iha parte eletrikidade, estrada, nebe maka sempre at hela deit.

Reuniaun Plenária Extraordinaria Kuart-loron, 24 de Agosto de 2011

Sesaun Plenária ba loron ohin nian, preside husi Presidente Sr. Fernando La Sama de Araújo hamutuk ho I^o Vice Presidente Sr. Vicente da Silva Guterres, II^o Vice Presidente Sra. Maria Paixão, Secretária Mesa Sra. dep. Maria Terezinah Viegas no I Vice Secretaria Sra. Maria Exposto.

Antes hahu Plenaria Extraordinaria ohin nian, Presidente hato'o agradecimento ba Komisaun C nebe maka horseik consegue halo aprovasaun iha Komisaun no husu atu Chefes Bankadas Parlamentar atu kontakto Membros Bankadas sira atu mai tuir Plenaria Extrordinaria ohin nian tamba Proposta de Lei ne'e atu kompleta Lei nebe maka aprova tiha horseik no Lei ida ne'e importante tebes.

Iha Plenaria Extraordinaria ne'e partisipa mos Membro Governo, Vice Ministro Finanzas Sr. Rui Hanjam nudar autor ba Proposta de Lei N^o 53/II.

Diskusaun no votasaun ba Proposta de Lei N^o 53/II kona ba "Regime Dívida Pública." Presidente fo tempo ba Vice Ministro Finanzas Sr. Rui Hanjam atu halo esplikasaun badak kona ba Proposta de Lei "Regime Dívida Pública." Sr. Hanjam hodi Governo nian naran hato'o agradecimento ba Parlamento Nasional nebe horseik halo aprovasaun ba Altersaun Lei Fundo Petrolifero. Sr. Hanjam mos hato'o katak Proposta de Lei ne'e importante tebes hodi reforsa quadros legal ba impresta nian hodi nune'e ita bele hetan impresta ho ninia kusto ida que kiik.

Depois Vice Ministro, Sr. Hanjam, halo espliksaun badak, Presidente konvida Sr. dep. Cecilio Caminha Freitas nudar Presidente Em-exercicio Komisaun C no Sra. dep. Maria Terezinha Viegas husi Bankada Parlamentar CNRT nudar Relatora ba Relatrio no Parecer husi ba Proposta de Lei N^o 53/II sobre "Regime da Dívida Pública."

Presidente fo tempo ba Senhores deputados sira atu halo intervensaun hodi halo komentario no perguntas ba Governo. Tuir Senhores deputados sira katak Proposta de Lei ne'e importante tebes hodi halo kontrolo na imprestismo husi liur hodi nune'e hetan jurus no retorno

ekonomia ida que diak maibe senhores deputados sira husu ba Governo katak osan hira maka hodi Timor Leste halo impresta hare ba ita nian kapasidade no saida maka sai projecto prioridade hodi impresta osan no kondisaun impresrismo no kona ba certificado *aprof*.

Vice Ministro hato'õ katak imprestismo ne'e importante hodi halo prosseco desenvolvimento hodi halo reforsa buat hotu-hotu no ita iha ona unidade hosi sai front office.

Depois diskusaun klean no naruk, deputados sira halo votasaun na generalidade : a favor 31, kontra 9 no abstensoens 2. Hodi nune'e Parlamento Nasional aprova ona na generalidade ba Proposta de Lei N° 53/II.

Senhores deputados sira tama diretamenta ba diskusaun no votasaun na especialidade :

- Senhores deputados sira halo votasaun ba Capítulo I (Disposições Gerais) artigo 1 (Objectivo). Resultado votasaun : a favor 31, kontra 5 no abstensoens 5. Artigo ne'e passa.
- Senhores deputados sira halo diskusaun no votasaun ba Proposta de Alterasaun N° 1 kona ba artigo 2 (Princípios). Proponentes sira husu atu halo mudansa redaksaun ba alineas 1 no 2. Resultado votasaun : a favor 9, kontra 18 no abstensoens 13. Proposta de Alterasaun ne'e la passa. Único deputado proponente maka Sr. dep. Arão Noe de Jesus husi Bankada Parlamentar CNRT.
- Senhores deputados sira halo votasaun ba artigo 2 (Princípios). Resultado votasaun : a favor 31, kontra 4 no abstensoens 4. artigo 2 ne'e passa.
- Senhores deputados sira halo diskusaun no votasaun em-bloku ba Capítulo II (Constituição e Emissão da Dívida pública) artigo 3 (Condições Gerais), artigo 4 (Condições Específicas), artigo 5 (Formas de Dívida Pública), Capítulo da Dívida Pública) artigo 6 (Garantia de Pagamento da Dívida Pública), artigo 7 (Medidas de Gestão da Dívida Pública), artigo 8 (Informação ao Parlamento Nacional), Capítulo IV Disposições Finais) artigo 9 (Foro Competente), artigo 10 (Regulamentação) no artigo 11 (Entrada em Vigor). Resultado votasaun : a favor 30, kontra 3 no abstensoens 3. Artigos hirak ne'e passa.
- Senhores deputados sira halo votasaun FINAL GLOBAL : a favor 31, kontra 4 no abstensoens 2. Hodi nune'e Parlamento Nasional aprova ona Proposta de Lei N° 53/II no entrada em vigor depois Presidente da República halo promulgasaun no pública iha Jornal da República.